



Odbor za dodjelu "Šestoaprilske nagrade Grada Sarajeva"

Broj: 04-GV-02-153-1/24

Datum: 01.02.2024. godine

*ZAPISNIK O RADU PRVE SJEDNICE
ODBORA ZA DODJELU „ŠESTOAPRILSKE NAGRADE GRADA SARAJEVA“
U 2024. GODINI
ODRŽANE 01.02.2024. GODINE*

Prisutni:

1. Adi Škaljić,
2. Vedad Deljković
3. Toni Vukadin, po ovlaštenju umjesto Almedina Miladina
4. Drago Jurić, član
5. Biljana Lazarević, član
6. Muamer Mekić, član
7. Mirela Džehverović, član
8. Mirsada Murtić
9. Hadžan Konjo
10. Selimović Jasmina
11. Ifet Mahmutović

Odsutni: Kemal Hanjalić, član, Amela Mustafić, članica

Iz Stručne službe za poslove Gradskog vijeća sjednici prisustvovala:

- Mirjana Đanović-Stanić, rukovodilac stručne službe Gradskog vijeća

Poslije sažetka Predsjedavajućeg, jednoglasno je usvojen Zapisnik o radu Konstituirajuće sjednice Odbora za dodjelu „Šestoaprilske nagrade Grada Sarajeva“ u 2024. godini.

Sjednica je počela s radom jednoglasnim usvajanjem sljedećeg dnevnog reda:

1. Prijem materijala sa prijedlozima kandidata za dodjelu „Šestoaprilske nagrade Grada Sarajeva“ u 2024. godini
2. Tekuća pitanja



Ad 1)

Poslije uvodnih napomena predstavnika obrađivača i sažetka Predsjedavajućeg, Odbor je jednoglasno usvojio sljedeće **zaključke**:

1. Odbor za dodjelu „Šestoaprilske nagrade Grada Sarajeva“ u 2024. godini konstatuje da su prisutni članovi Odbora primili pristigle kandidature za dodjelu Nagrade u tekućoj godini u vidu radnog materijala. Evidencija o preuzetim materijalima je u prilogu ovog Zapisnika. Materijal nisu preuzela dva člana Odbora, te će biti pozvani da ih preuzmu naknadno.
2. Odbor za dodjelu „Šestoaprilske nagrade Grada Sarajeva“ u 2024. godini konstatuje da će se na sljedećoj sjednici Odbora, članovi Odbora očitovati o blagovremenosti i potpunosti prijedloga za svakog kandidata pojedinačno, a na osnovi Odluke o uslovima i načinu dodjele “Šestoaprilske nagrade Grada Sarajeva”, Poslovnika o radu Odbora i objavljenog Javnog poziva o uslovima i načinu predlaganja “Šestoaprilske nagrade Grada Sarajeva u 2024. godini. Navedeni akti su priloženi uz Zapisnik sa Konstituirajuće sjednice Odbora.
3. Odbor za dodjelu „Šestoaprilske nagrade Grada Sarajeva“ u 2024. godini konstatuje da će u skladu s Poslovnikom o radu Odbora, na sljedećoj sjednici, odrediti se o potrebnim koracima u drugom krugu glasanja, posebno za pojedinačnu, a posebno za kolektivnu nagradu, ovisno o broju kandidata sa blagovremenim i potpunim prijedlozima.
4. Odbor za dodjelu „Šestoaprilske nagrade Grada Sarajeva“ u 2024. godini se opredjeljuje da će se članovi Odbora izuzeti od izjašnjavanja pri utvrđivanju konačnih prijedloga odluka za Gradsko vijeće o dodjeli “Šestoaprilske nagrade Grada Sarajeva” u 2024. godini, ukoliko cijene da su na određeni način povezani sa predloženim kandidatima a što proizvodi sukob interesa.

Ad 2)

Predsjedavajući Odbora je upoznao prisutne sa zahtjevom člana Odbora Kemala Hanjalića da mu se omogući da sjednicama Odbora prisustvuje i glasa online budući da zbog ranije preuzetih obaveza u februaru mjesecu ne može biti u Sarajevu.

Poslije rasprave u kojoj su učestvovali svi prisutni izraženo je žaljenje zbog takve situacije ali i jasno opredjeljenje da Odbor mora raditi u skladu sa Poslovnikom Odbora odnosno Poslovnikom Gradskog vijeća Grada Sarajeva za pitanja koja nisu uređena Poslovnikom Odbora, a mogućnost održavanja sjednica online je propisano jedino u slučaju više sile te da Odbor svakako radi i odlučuje uz prisustvo većine članova Odbora.

Na prijedlog Predsjedavajućeg Odbora, konstatovano je da će se Druga sjednica Odbora održati u ponedjeljak 05.02.2024. godine s početkom u 15:00 sati.

Sjednica je završila sa radom u 16:05 sati.

Napomena: Članica Odbora Amela Mustafić je preuzela material odmah po završetku ove sjednice Odbora.

PREDSJEDAVALJUĆI ODBORA

Adi Škaljić, s.r.